

Tanurtem asoshi Laishibai
agütsür

Mezüng
Easter



Tezülutsür: Edward Hughes

Ratettsür: Janie Forest
Alastair Paterson

Yanglushitsür: Lyn Doerksen

Meyipzüksür: Naro Aochenlar

Tadoktsür: Bible for Children
www.M1914.org

©2020 Bible for Children, Inc.

Temelaba: Iba otsü nai copy asütsü mesüra menünzungzüksü akok,
saka ayuktsü memelar.



Tetsürla, asaprang
tenemtokong nung
nokdak, aser la
tejashi tenük
tetsübutsü
tesem len ranglok.
Lar jabaso tasür
aser iba tetsü ya
Mari liasü, aser la
Yisu kangki nung
angenlokba jaka
anasa nokdak.





Item ajak ya koda
sür atalok? Koda ser
Yisui tabensa taküm ka
yamaya tembangdaktsü?

Koda sur
Tsüngremi
Pa chir
kangki nung
agenloker asütsü
sa melar? Yisui, Pai
Pa shiba aibelen asü?
Mesüra, Tsüngremer
tamakok asü?





Nunga! Tsüngremer
tamakok masü. Yisui
kecha aibelen masü.
Yisui meteta liasü Pa
tekülak nisung temi Pa
südaktsüsü. Yisu tanur
asüdangyongi, tambur
ka, tenung Simon, pai
Mari dang iba tajashi
ajurutsü indang shir
liasü.



Yisu
tepsettsü
anogo teraka
madang, tetsür
kati teronem
menemba totzü bener
arua Yisu tetsüng nung
mezütsü. Idangji Pa
nütsüngtemi nemnema
ashi, "Oda lai inyakbaji
rongsen endokba dang."
Saka Yisui langzü, "Lai mapo
tajung inyakogo. Ni leper nung
aremtsü anogo asoshi lai inyak."
Iba O-tem tesüngmangtsü masü no!



Iba sülen, Yihuda
Iskariot, shiba Yisu
nütsüng terana rongnung
liasu, pai puti-ungertem
nem Yisu bendanga
agütsütsü taribi semer
yong nangzük.






Yihuda kümtettsü benjong nung, Yisui Pa nütsüngtem den tetembang chiyong. Pai parnok dang tebu Tsüngrem, aser shirnoki Pa meimer, parnok asoshi tenangzükba tajung indang shia liasü. Aser Yisui amtsük aontsü mezür parnok rongnung lemsatsü agütsü, aser iba temaitsuji parnok nem Yisu shi aser azü agütsüba, koba ajanga parnok temenen tatok angu.



Aser Yisui nütsüngtem dang ashi, parnok rongnung ka-ti Yisu ashioktsütsü aser parnoki Pa toktsutsü. "Ni bo metoktsütsü, ta idangji Peteri langzü." Saka Yisui ashi, "Taonung ani makongdang nai ni asemen menangzuktsü."





Iba aonung, Pa
nützungtem mejanga
or külen, Yisui
Gethsemane tsüki
nung sarademtsü ao.
Yisui tebu dang
sarasadem, "Oh Oba,
yakokra iba marok ni
nungi aenshidakjang,
aji saka ni mulungba
ama masü, saka nai
mulungba ama süang."



Ajungben, atsüki-i nisung telok
ka Yihuda Iskarioti anir aru. Yisu
ajemalua ata, kechiyong parnok Pa
aputsü aruba liasü saka Peteri
temaba putir kilir dak alep
aser pa tenarong lepdoktsü.
Saka, ajemajema Yisui
pa narong nung kongshia
pa anebtsü. Kechiyong
Yisui metet, Pa apui
arubaji Tsüngremer
mulungba.




Telok jagi Yisu temaba putir kidangi pua bener ao.
Yangji, Yihuda lenirtemi Yisu tepsetsüla ta ayimten.

Parnok anasa, Peter, kima tiyong nung kilirtemi
mi apur aliba tesem nung
nokdaker repranga liasü.

Idangji asemen tashi
tangari Peter dak rangeta
repranger ashi, "Na Yisu
den liasü!" Aser
Peteri asemen
menangzük. Oda
Yisui Peter dang
ashiba ama
yamaji
atalok.




Ko-ko-
rok-krok



Idangyongji, ani akong.
Aser iba olaji Tsüngrem
ola ama Peter asoshi
liasü. Peteri Yisui pa
dang ashiba O-tem
bilemteta pa kukua ajeb.





Yihuda Iskariot-ia kanga sasa iba
mapang nung bilema liasü. Kechiaser
pai metet Yisu dak tai mali mesüra
pai tamajung kecha inyaka
mali. Oda pai taribi semer
to meyipa bener oa temaba
putir nem agutsü,
saka parnoki
magizük.





Yihuda Iskarioti senji
merepdaka yutsü aser
oadok-aser pa pa
mesasa soseta asü.






Puti-ungertemi Yisu, Pilat,
shiba Rom governor liasü, pa
madangi anir aru. Pilati ashi,
"Ni bo iba nisung dak kecha
tai mangur." Saka
nisungtemi ayimtena
ashi, "Pa kangki nung
angenlokang! Pa Kangki
nung angenlokang!"



Tatemsa Pilati nisungtemi
ashiba mekokteti Yisu kangki
nung angenloktsü ozüng agütsü.
Sepaitemi yisu dak atsüng, tejak
nung metsü metsüloktsü aser lisü
agi arep. Parnoki ai korang ka
merena yanglur Pa kolak nung
semtsü. Ibasülen parnoki Pa
kangki nung angenlok.



Yisui Pa kechikoda asütsu, meteta liasü. Ano Pai
metet Pa asübayong temenenpurtem aser Pa dak
amangbapurtem tatok angütsü. Yisu den tangar
nisung ana angenlok. Ka-ti
Yisu dak amang-aser oda
Yisu den Kodak nung ali.
Saka ka-ti bo mamang.



Konda tesazük aika kangshir
külen Yisui ashi, "Ibai
renemogo," aser Pa asü.
Pa nütsüngtemi Pa
mang bener oa
jurila leper
nung arem.



Rom sepaitemi leperji
lung agi nembang aser
parnok nüka liasü.

Tangbo shinga-ia
aitsü mesüra
adoktsü
tamakoktsü
liasü.



Oda iba ya otsü tatem
asübo koda tejashitsü ka
süla. Saka Tsüngremi
tesüngmangtsü
ka inyak.



Amungnü süir külen, mezüng anogo
anepungi, Yisu nütsüngtem
kari, leper nungi lungji
meküptoker angu.
Kodang parnoki
leper telunglen
anguoka
reprangdang,
Yisu mali asü.



Yisui, tetsür shiba leper anasa
noktaker jeba liasü, la madang Pa
sayu aser la nütsüngtemdangi,
"Yisu taküm lir! Yisu tasü
nungi shia arugo!" ta
osangtajung sangoktsütsü
asema ao.



Kobi meli-i, Yisu Pa nütsüngtemdangi
aru aser parnok dang Pa tekabu nung
angenba tarak sayu. Aser aji oda Yisu
shia aruba atangji liasü. Pai Peter dang
Pa menangzükba tai atok, aser Pa
nütsüngtemdang pa indang ajak dang
shiang ta ashi. Aser Pa kotaki atu,
koba nungi Pa mezüng alimai aru.



Mezüng Easter

Tsüngrem o nungi otsü ka, Laishiba,

yangi angutsü

Mathi 26-28, Luk 22-24,
Yohan 13-21

"Nü o aitba ajanga tesangwa agütsür."
Tenüngsang Ken 119:130





Tatembang



Iba Laishiba otsüi asenok dang asen tesüngmangtsü Tsüngrem
indang ashir, shibai asenok yanglu aser shibai Pa indang ne nem
metetdaktsüner.

Asenoki mapa tamajung inyakba tsüngremi meteta lir. Item mapa
tamajungdang Pai temenen ta ajar. Temenen ta-a ji tasüba, saka
Tsüngremi na oda meimnung Pai Pei ajaso chir, Yisu, na menen nungi
alangzüktsü asoshi kangki nung angenloktsü yok. Saka Yisu tasü
nungi shia aru aser kotaki meyiba ao! Nai Yisu dak amanga ne menen
tatok meshira Pai tai adoktsü, Pai magutsüi malitsü! Pai tanga ne
den arua ne dak alitsü, aser na Pa den tatem maka alitsü.

Nai ya ochi-a ta amangra, Tsüngremdang ya shiang. Temeim Yisu, ni
na Tsüngrem chir ta amanger, aser na onok menen asoshi asü, aser
na ano tanaben taküm lir. Yimlibelema kü takümi na aidang aser kü
nem temenen tatok agüjang, aji ang la ni taküm tasen akatsü aser
kenü anogo ni ne den arua tatem maka alitsü. Ni nü tashi angatsü
aser na asoshi ne chir ka ama alitsü nai ni yariangma. Amen.

Anogoshia Laishiba züngang aser Tsüngrem den jembiang!
Yohan 3:16

